



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-018-4/25**

Datum: **28.10.2025. godine**

«Agencija za vodno područje rijeke Save» Sarajevo rješavajući zahtjev, podnesen po službenoj dužnosti od strane Ministarstva privrede Kantona Sarajevo u postupku dodjele koncesije za korištenje površinske vode za potrebe privrednog društva „MAGAZIN MAPRIM“ d.o.o. Sarajevo, za donošenje rješenja o prethodnoj vodnoj saglasnosti za zahvatanje vode iz Ramića potoka za potrebe proizvodnje riblje mlađi i uzgoj ribe, u naselju Resnik, općina Hadžići, na osnovu člana 109. stav (1) tačka 1., člana 107. stav (3) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) d o n o s i

RJEŠENJE

1. Odbija se zahtjev podnesen po službenoj dužnosti od strane Ministarstva privrede Kantona Sarajevo za donošenje rješenja o prethodnoj vodnoj saglasnosti za zahvatanje vode iz Ramića potoka u količini $Q=89$ l/s, za potrebe proizvodnje riblje mlađi i uzgoj ribe privrednog društva „MAGAZIN MAPRIM“ d.o.o. Sarajevo, na zemljištu označenom kao k.č. broj 448/2, 454/2, 454/3, 468 K.O. Resnik, upisane u ZK uložak broj 1107 i katastarske parcele broj 453, 448/1, 452, 454/1 449, 450, 439/1 K.O. Resnik, upisane u ZK uložak broj 548, općina Hadžići, zbog nepostupanja po obavještenju broj: UP-1/21-3-40-018-3/25 od 27.03.2025. godine, odnosno dok se ne riješi prethodno pitanje.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ovo Rješenje može se izmijeniti ukoliko za to nastupe razlozi utvrđeni u članu 130. stav (1) tačka 2. Zakona o vodama, a zainteresirane stranke podnesu argumentovan zahtjev za izmjenu ovog vodnog akta.

Obrazloženje

«Agenciji za vodno područje rijeke Save» Sarajevo podnesen je zahtjev po službenoj dužnosti od strane Ministarstva privrede Kantona Sarajevo u postupku dodjele koncesije za donošenje rješenja o prethodnoj vodnoj saglasnosti za zahvatanje vode iz Ramića potoka u količini $Q=89$ l/s, za potrebe proizvodnje riblje mlađi i uzgoj ribe privrednog društva „MAGAZIN MAPRIM“ d.o.o. Sarajevo, na zemljištu označenom kao k.č. broj 448/2, 454/2, 454/3, 468 K.O. Resnik, upisane u ZK uložak broj 1107 i katastarske parcele broj 453, 448/1, 452, 454/1 449, 450, 439/1 K.O. Resnik, upisane u ZK uložak broj 548, općina Hadžići.

Uz zahtjev je dostavljena slijedeća dokumentacija:

- Aktuelni izvod iz sudskog registra za subjekt upisa „MAGAZIN MAPRIM“ d.o.o. Sarajevo, broj: 065-0-RegZ-oo1423 od 22.02.2017. godine izdato od strane Općinskog suda u Sarajevu;
- Uvjerenje o poreznoj registraciji;
- Uvjerenje o registraciji u jedinstveni registra obveznika indirektnih poreza;
- Obavještenje o razvrstavanju pravnog lica prema klasifikaciji djelatnosti;
- Potvrdu o plaćanju PVN-a broj: 50-137-33/17 od 15.08.2017. godine date od strane Agencije za vodno područje rijeke Save;
- ZK izvadak broj 548 i 1107;
- Izvod iz Prostornog plana Kantona Sarajevo 2003-2023. godine u M=1:5000;
- Mišljenje broj 09-23-6365/17 od 13.12.2017. godine, koje je dao Zavod za planiranje razvoja Kantona Sarajevo;
- Kopija katastarskog plana u M=1:1000;
- Odobrenje za građenje za poslovni objekat broj: 07-23-3-291/2008 od 05.02.2008. godine, dato od strane Općine Hadžići;

- Odobrenje za građenje za ribnjak 2 broj: 07-23-3-2292/2016 od 05.08.2016. godine, dato od strane Općine Hadžići;
- Odobrenje za upotrebu poslovnog objekta broj: 07-23-4-1647/2017 od 29.06.2017. godine, dato od strane Općine Hadžići;
- Odobrenje za upotrebu ribnjaka 2 broj: 07-23-4-1951/2017 od 29.06.2017. godine, dato od strane Općine Hadžići;
- Rješenje broj 07-06-24-9637 od 30.08.2016. godine izdato od Ministarstva privrede Kanton Sarajevo;
- Odluka o davanju saglasnosti broj: 01-01-2-7389/2016 od 02.09.2016. godine koju je dalo Općinsko vijeće Općine Hadžići;
- Studija opravdanosti dodjele koncesije za ribnjak „RESNIK“, koji je izradila firma „ES HIDROTECHNICS“ d.o.o. Sarajevo;
- Projekat izvedenog stanja kompleksa „Ribnjak Resnik“, koji je izradila firma „ES HIDROTECHNICS“ d.o.o. Sarajevo.

Uvidom u dostavljeni zahtjev i priloženu dokumentaciju utvrđeno je da je isti nepotpun, te je isti bilo potrebno dopuniti sa:

- Pozitivno evaluiranim Elaboratom (od strane ove Agencije) o određivanju ekološki prihvatljivog protoka na profilu vodozahvata (u daljem tekstu Elaborat) urađen u skladu sa Pravilnikom o načinu određivanja ekološki prihvatljivog protoka («Službene novine FBiH», broj 4/13, 56/16 i 62/19);
- Dokaz o uplaćenju upravnoj pristojbi (uplatnica):
Upravna pristojba u iznosu od 80KM uplaćuje se na račun broj: 102-050-00001066-98, otvoren kod "Union banka" d.d. Sarajevo, Vrsta prihoda: 722112, u korist računa javnih prihoda federalnog proračuna.

Elaborat predstavlja dokument koji se koristi kao tehnička podloga u postupku propisivanja minimalnih proticaja koji se moraju obezbijediti na dionici vodotoka nizvodno od zahvata potrebnih količina vode i samim tim predstavlja i ograničava količinu vode koja se iz određenog vodotoka može zahvatiti.

Na osnovu prednjeg i provedenog postupka konstatovano je da sa aspekta sektora voda postoje ograničenja koja proizilaze iz odredbi Zakona o vodama da se podnosiocu zahtjeva izda tražena prethodna vodna saglasnost, pa je riješeno kao u dispozitivu ovog Rješenja.


Pouka o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje vodnih akata


Nihad Bezp, dipl.inž.građ.

PRILOG: Studija opravdanosti dodjele koncesije za ribnjak „RESNIK“, koji je izradila firma „ES HIDROTECHNICS“ d.o.o. Sarajevo i Projekat izvedenog stanja kompleksa „Ribnjak Resnik“, koji je izradila firma „ES HIDROTECHNICS“ d.o.o. Sarajevo.

Dostaviti:

- Ministarstvo privrede Kantona Sarajevo, Ul. Reisa Džemaludina Čauševića 1, 71000 Sarajevo (sa prilogom)
- „MAGAZIN-MAPRIM“ d.o.o., Čemaluša br.14, 71000 Sarajevo
- ⊖ AVP Sava, ISV – Vodna knjiga
- Sektor 40, arhiva
- Oglasna ploča AVP Sava